

Útkomið í A-deild Stjórnartíðindanna 1949.

Lög um bæjarstjórn í Keflavík, undirskrifuð af forsetanum 22. marz 1949, nr. 17.

Lög um kyrrsetningu og lögbann, undirskrifuð af forsetanum sama dag, nr. 18.

Lög um heimild fyrir ríkisstjórnina til að selja landræmu úr Öskjuholtslandi í Landsveit, undirskrifuð af forsetanum sama dag, nr. 19.

Lög um viðauka við lög nr. 128/1947, um dýrtíðarráðstafanir, undirskrifuð af forsetanum sama dag, nr. 20.

Lög um sölu á steinolíu, hráolíu, benzini og smurningsolíu, undirskrifuð af forsetanum sama dag, nr. 21.

Lög um breyting á lögum nr. 112/1941, um lax- og silungsveiði, undirskrifuð af forsetanum sama dag, nr. 22.

Auglýsing um framboð og kjör forseta Íslands, undirskrifuð af forsætisráðherra 21. marz 1949, nr. 23.

Bréf menntamálaráðuneytisins til stjórnar STEFS (Sambands 43 tónskálda og eigenda flutningsréttar), um löggilding reglugerðar um 2. febr. flutningsrétt á ritverkum og tónsmíðum.

Með tilvísun til umsóknar STEFS, dags. 1. þ. m., um að STEFI verði veitt löggilding samkv. 1. gr. reglugerðar frá 1. febrúar 1949, um flutningsrétt á ritverkum og tónsmíðum, sbr. l. nr. 49/1943, tekur ráðuneytið fram, að það veitir STEFI (Sambandi tónskálda og eigenda flutningsréttar) hér með löggildingu samkv. téðri reglugerð að því er snertir flutningsrétt á tónsmíðum.

Löggildingin er veitt með eftirfarandi skilyrðum:

1. Starfsemi STEFS skal hagað í samræmi við samþykktir STEFS, er staðfestar séu af menntamálaráðuneytinu og samkvæmt úthlutunarreglum, er einnig séu staðfestar af ráðuneytinu, enda ber STEF fulla ábyrgð á því, að þeim reglum sé fylgt.
2. Reikningar STEFS, gagnrýndir af löggiltum endurskoðanda, skulu afhentir ráðuneytinu fyrir lok febrúarmánaðar ár hvert.
3. Menntamálaráðuneytið getur hvenær sem er afturkallað löggildingu þessa, ef vanræksla eða vanefnd á ofangreindum skilyrðum hefur að þess áliti átt sér stað, eða ef grundvöllur fyrir löggildingu er ekki lengur fyrir hendi að dómi ráðuneytisins.

GJALDSKRÁ

fyrir Rafveitu Njarðvíkur.

44

21. marz

I. RAFORKA

Rafveita Njarðvíkur selur raforku á þann hátt og við því verði sem hér segir:

A. Lýsing.

1. Um kwst.mæli á kr. 1.20 hver kwst. Við þessu verði skal selja hvers konar raforkunotkun, sem ekki kemst undir aðra liði þessarar gjaldskrár.
2. Um kwst.mæli á 45 aura hver kwst., auk fastagjalds, er nemi kr. 5.50 á m²

44
21. marz

gólfflatarmáls í rúmi því, er lýsa skal. Fullt fermetragjald skal greiða af gólffleti í búðum, vinnustofum og skrifstofum, en fyrir geymslur og ganga skal greiða kr. 2.00 á ári af m².

B. Rafmagn til almennrar heimilisnotkunar.

Um kwst.mæli á 30 aura hver kwst. Auk þessa skal greiða fastagjald kr. 5.00 á mánuði af einu herbergi hvernar íbúðar og kr. 3.00 á mánuði af hverju herbergi umfram eitt.

Í útreikningi á fjölda herbergja skal telja öll íbúðarherbergi og eldhús, en ekki ganga, baðherbergi eða geymslur. Herbergi sem er minna en 5 m² skal telja sem hálf, en stærra en 25 m² sem tvö.

C. Vélar.

Þar, sem orkan er notuð til vélareksturs, skal hún seld:

1. Um kwst.mæli á 65 aura hver kwst. Hafi vélarnar mjög stuttan notkunartíma, má krefjast minnsta árgjalds frá kr. 125.00 til kr. 150.00 á hvert uppsett kw. vélanna. Eftir þessum gjaldskrárlið má einnig selja raforku til götu- og hafnarlýsingar, svo og til vinnulagna við byggingar, meðan á byggingu stendur.
2. Um kwst.mæli á 50 aura hver kwst. til vatnsdælna til heimilisnotkunar.
3. Til fiskiðnaðar, ef uppsett rafvélaafl fastra véla er yfir 20 kw., um kwst.mæli, þannig:

Fyrstu	100	þús.	kwst.	ársnotkun	á	17	aura	hver	kwst.
Næstu	50	—	—	—	—	16	—	—	—
Umfram	150	—	—	—	—	15	—	—	—

Rafveitan áskilur sér rétt til að rjúfa straum allt að 2 stundum um hádegi og 1 stund síðdegis, á tímum mesta álags.

D. Hitun.

1. Um kwst.mæli á 14 aura hver kwst., enda sé þá minnsta ársnotkun 6000 kwst. Heimilt er að rjúfa straum allt að 3 stundum á sólarhring, en þó hæst 1½ stund í senn.
2. Um kwst.mæli á 5 aura hver kwst., ef straumurinn er rofinn frá kl. 8.30 til 23. Önnur skilyrði fyrir raforkusölu til hitunar:
 - a. Að vélaafl, götulinur og spennar þoli álagið að dómi rafveitustjóra.
 - b. Að notandinn setji klukkurofa fyrir hitalögnina og kosti viðhald þeirra. Þó getur rafveitustjóri ákveðið, að rafveitan leggi til rofa og annist viðhald þeirra, og kostar þá notandinn tengingu þeirra og greiðir leigu af þeim, samkvæmt reglum, er gilda um leigu mæla.
 - c. Að hitalagnir, þar með talin öll tæki, séu gerð samkvæmt fyrirmælum rafveitunnar, ofnar fasttengdir með sérstökum rofum og hitastillar notaðir.

II. MÆLALEIGA

Rafveitustjóri ákveður stærð og gerð mælataekja, sem nota skal fyrir hverri veitu, og er sú ákvörðun skuldbindandi fyrir notandann, sem skal greiða leigu af mælitaekjum sem hér segir:

- | | |
|--|--------------------|
| 1. Af einfasa mælum 30 amp. og minni | kr. 2.00 á mánuði. |
| 2. — einfasa mælum 50 amp. og minni | — 3.00 — — |
| 3. — þrífasa mælum 50 til 200 amp. | — 7.00 — — |
| 4. — þrífasa mælum yfir 200 amp. | — 10.00 — — |

44

21. marz

Af öðrum mælitækjum en þeim, sem nefnd eru í skránni, skal ársleigan vera sem næst 20% af verði mælitækisins. Leigan skal innheimt um leið og gjald fyrir raforku.

III. HEIMTAUGARGJALD

Af hverri húsveitu, sem tengd er við rafveituna, skal greiða heimtaugargjald, sem miðast við brunabótamat á húsum og mannvirkjum á þann hátt, sem hér segir:

Brunabótamat:		Jarðlína:	Loflína:
Frá kr.	0— 10000.00	kr. 570.00	kr. 310.00
— —	10000.00— 15000.00	— 760.00	— 420.00
— —	15000.00— 20000.00	— 900.00	— 540.00
— —	20000.00— 25000.00	— 1050.00	— 670.00
— —	25000.00— 30000.00	— 1170.00	— 800.00
— —	30000.00— 40000.00	— 1320.00	— 900.00
— —	40000.00— 50000.00	— 1470.00	— 960.00
— —	50000.00— 60000.00	— 1590.00	— 1020.00
— —	60000.00— 70000.00	— 1670.00	— 1090.00
— —	70000.00— 80000.00	— 1740.00	— 1160.00
— —	80000.00— 90000.00	— 1810.00	— 1220.00
— —	90000.00— 100000.00	— 1880.00	— 1290.00
— —	100000.00— 125000.00	— 1950.00	— 1350.00
— —	125000.00— 150000.00	— 2100.00	— 1500.00
— —	150000.00— 175000.00	— 2250.00	— 1650.00
— —	175000.00 og yfir	— 2400.00	— 1800.00

Greiði húseigandi áætlaðan helming heimtaugargjalds um leið og heimtaugaruppsetningu er lokið, er heimilt að veita honum gjaldfrest í allt að 12 mánuði á eftirstöðvunum. Heimtaugargjald fellur í gjalddaga, þegar brunabótamat hússins hefur verið framkvæmt.

Sé lengd jarðlínuheimtaugar meiri en 15 metrar og lofllínuheimtaugar meiri en 40 metrar og gildleiki víra meiri en 3×70 qmm, skal húseigandi greiða kostnað af því, sem fram yfir er. Ef lagðar eru fleiri en ein heimtaug að húsinu, skal greiða allan kostnað við síðari heimtaug eftir reikningi.

IV. OPNUNARGJALD

1. Hafi gjald samkvæmt gjaldskrá þessari eigi verið greitt svo að til lokunar hafi komið fyrir veitu, skal taka gjald fyrir enduropnun, 10 kr.
2. Ef fundin eru óleyfileg eða of stór vör við skoðun, skal veitunni lokað tafarlaust, og verður hún ekki enduropnuð, fyrr en notandinn hefur greitt 10 kr. gjald á skrifstofu rafveitunnar.

Hreppsnefnd er heimilt að hækka eða lækka gjöld, sem ákveðin eru í I. kafla þessarar gjaldskrár, um allt að 20% án sérstakrar staðfestingar ráðuneytisins, enda auglýsi hreppsnefndin breytinguna í Lögbirtingablaðinu áður en til hennar kemur.

- 44 Gjalddskrá þessi staðfestist hér með samkvæmt vatnalögum, nr. 15 20. júní 1923, 21. marz og raforkulögum, nr. 12 2. apríl 1946, til þess að öðlast gildi þegar í stað og birtist til eftirbreytni öllum þeim, sem hlut eiga að máli. Jafnframt fellur úr gildi gjaldskrá Rafveitu Njarðvíkur, nr. 168 28. ágúst 1947.

Atvinnumálaráðuneytið, 21. marz 1949.

Bjarni Ásgeirsson.

Þorv. K. Þorsteinsson.

45

21. marz

GJALDSKRÁ

fyrir vatnsveitu Stykkishólms.

1. gr.

Af öllum húsum í lögsagnarumdæmi kaupsins, sem standa við vegi eða opin svæði, þar sem vatnsæðar liggja, skal greiða árlegan vatnsskatt 3% af fasteignamatsverði hússins, þó þannig, að lægsta gjald á einbýlishúsi sé kr. 300.00 og á íbúðarhúsi með 2 íbúðum eða fleiri skal lægsta gjald vera kr. 240.00 á íbúð.

Sama er og um önnur hús, er fá vatn veitt úr vatnsveitu bæjarins.

Nú er hús, er greiða ber af vatnsskatt, ekki virt fasteignamatsvirðingu, og ákveður þá vatnsveitunefnd skattinn.

2. gr.

Auk vatnsskatts samkv. 1. gr., skal greiða vatnsskatt fyrir hreyfivélar, gosbrunna, verksmiðjur, baðhús, hvers konar þvottastöðvar, efnalaugar, veitingastaði, sláturhús, iðnaðarfyrirtæki, og fyrir vatn til hvers konar slíkrar notkunar umfram venjulega heimilisnotkun.

Aukavatnsskatt samkv. 1. málsg. skal innheimta eftir mati hreppsnefndar og vatnsveitunefndar.

Nú sættir húseigandi eða vatnsnotandi sig ekki við ákvörðun hreppsnefndar og vatnsveitunefndar, um aukavatnsskatt, og getur hann þá krafist þess, að gerðardómur úrskurði ágreiningsatriðin, og skal gerðardómurinn þannig skipaður, að húseigandi eða vatnsnotandi tilnefnir einn mann, vatnsveitunefnd annan, en sýslumaður Snæfellsness- og Hnappadalssýslu skipar oddamaninn.

3. gr.

Hafnarnefnd ákveður verð á vatni, sem selt er til skipa á höfninni.

Hreppsnefnd og vatnsveitunefnd ákveða endurgjald fyrir vatn, sem hafnar-sjóður fær frá vatnsveitunni, þó ekki undir kr. 1.50 fyrir hvern teningsmetra.

4. gr.

Nú er vatni úr vatnsveitunni veitt í hús, eða til einhverrar starfsemi, utan lögsagnarumdæmisins, og skal þá ákveða vatnsskattinn samkvæmt því, er í reglugerð þessari segir.

5. gr.

Engum er heimilt að taka vatn úr brunahönum vatnsveitunnar án leyfis slökkviliðsstjóra. Sérstakt leyfi hreppsnefndar og vatnsveitunefndar þarf til að setja vatns-hreyfivélar í samband við vatnsæðarnar.

6. gr.

Vatnsskatt samkvæmt reglugerð þessari ber að greiða mánaðarlega eða 12 sinnum á ári, í lok hvers mánaðar, fyrir liðinn mánuð, og ber að greiða skattinn til innheimtumanns vatnsveitunnar.